



→ AGLAIT ←

LLUNAINORTUT.

Nr. 33

Nain,

Merz

1907.

N. 33

А р к о с и н е к а м и т о к с и л л и к т о р л о .

Pigannertok.

III I t t e r v i k i t o k .

— Piulijivut Jesuse Kristuse okarpok: "Ittervikitokut itteritse". Apkosiniub amitub pigiarmaringningane ittervikitokarpok. Illunatik arvertaromajut apkosinerme amitome ittervikitokut kissiane tagvunga kaijungnarput. Ittervikitokut aisimalungitok, apkosinermelungilak amitome. Tussâtsiarkêt tamattominga, Nagliktara? I t t e r v i k i t o k u t a i s i m a l u n g i t o k , a p k o s i n e r m ê l u n g i l a k s u l l e a m i t o m e !

Ittervikitok sunauvâ ? Piulijivut okarpok : "Ittertarviovunga, uvapkut ittertokarpot, tamna piulijauniarpok." Itte v i k i t o k u t a i s i m a j u t t a p k o a n g o v u t : I l l a l i u l a u k t u t J e s u s e m i k n e l l â g u t P i u l i j i m i k t u t , s a g i a l a u k t u t t a p s o m u n g a k a k k i a l e r n e k a r l u t i k p i u l i j a u n a r t o m i k , o k p e r n e r m i g l o n e l l a g o r t o m i k , t a p k o a n g o v u t i l l a l i u l a u k t u t J e s u s e m i k N â l e k a m i k t u t , n â l e g o m a v l u t i k t a p s o m i n g a t i m e k u t t a r n e k u l l o , ô m a n u t t a m â n u t , i n o s i t i k n â l u g i t .

Apkosinerme silliktome adsigengitokalaukpok.
 Apkosinerme amitome, ittervikitokut aisinajut akorngane
 adsigengitokangilak. Illunatik erniangupsârsimavut,
 ablatsangortitaumavut, nutângortitaumavut illumikkut,
 tokomit inotsemut nuktersimavut, Gûdib k.tornganginut
 ilingavut, attingillo aglaksimavut aglangne ômanartune,
 assiomaticsangilat.

Attausek sulle kaujijaksarivavut. Piulijipta okausingit il-
 lûnaita kamagitsialaulavuttôk! Okalaukpok apkosinek
 amitok ittervikitorlo pivlugik: „I k k i t u t n a g v a r -
 p â t .” Tagga! apkosinek amitok ittervikitorlo n a g -
 v a r i a k a r p a v u k . Ingergât illûnata silliktome
 apkosinermêpogut. Kennerasualungikupta ittervikitomik
 apkosinermiglo amitomik, tamakkoa nagvarlugik sapper-
 pogut. Mânnalo ômamiutarksilerit piulijipta okausinginik
 kiblingnartunik: „I k k i t u t n a g v a r p â t .”

Tupaktitauniarlungilatit sulle nippunganernit, okautsi-
 nik taimaitunik tussaravit? Nanerkêt uvlome? Apkosinek
 nelliak arvertarvigiviûk mâнна? Apkosinek silliktok ke-
 maklugo, tunnulugolo, ittervikitorle apkosinerlo amitok
 kennerlugik, nagvarlaukagik? Ittervikitokut ailutit apko-
 sinermêkêt amitome? Taimaipat kaujivikpotit tamattomi-
 nga, pârsileravit tagva Piuliklertemik ômajomik, nâpkigi-
 jaugavit, nutângortitauvlutit illukut. Ubvalo arvertarkêt
 sulle apkome silliktome ullapitaunak sumut?
 Kappianarmêk, kappianarmêk illa, okpertonerartaujut
 unuktut arvertarput apkome siliktome, kaujilugatik
 tamattominga, kanoengitsiarasugilutiglo.
 Tupagitse, tupagitsetôk, apkosinek silliktok âniatitsiving-

mut sangmivok, – taimak okarpok Piulijivut. "Itterviki-
tokut itteritse" apkosinek amitok, inôgumut sangmijok
aivigijomavlugo. "Apkutauvunga" okarpok Nâlegavut
Jêsuse Kristuse.

F. Gericke.

N a p p â r t u t p i n g a s u t .

Jârit 250 it mattoma sivorngane nukarêkalaukpok pinga-
sunik nunakartunik ig'ugasaksoarne Berlinemik atteling-
ne, aulatsiviojune Germaniame. Taipkoa pingasut naglik-
tigêklutik inôkatigékput, ajunginasugijauvlutiglo igloga-
saksoarmiôkatimingnut. Tamanna pivlugo illûnatik tata-
miniarpud angijomik, uvlut illanganne tussaramik, taipkoa
illangat inuartônerartaungmat. Tâamna nangminek inuar-
nermik missiaralloartillugo, erkartuijut inualaurasugivât
tokotaksaunerarpâllo. Kattangutîgik tussaramik tamatto-
minga, ingmikôrlutik erkartuijomut aivuk inuarnerarpug-
lo ingminik. Parngnanairsimavingmêtable tamanna tus-
satuaramiuk, missiarungnairpok, tukkisigame, katangutîn-
gme piulijomangmakko.

Taimailermat, erkartuijok kanok idluartomik erkart-
tuivlune nellovok. Tamanna pivlugo attanek aperijauvok,
tamnalo okarpok: "Gûde erkartuile"! Nukarêt taipkoa
napârtunik pingasunik Gûdib perorsêvinganut illijerko-
vait, napârtut nuvungit nunamêtillugit amângillo pâne-
tillugit. Napârtut nunamut illijaumajut nelliat tungujor-
sinane kunorlerpat, tapsoma inua inuartonasugijauniarpok
tokotauvlunelo, Gûdib nangminek nellonailinajarmago.
Operngaulermat taipkoa nukarêt attunit nappârtomik

illijivut, nuvungit nunametillugit. Nutte, wochit ikkitut nâkârtinagit napârtut taipkoa pingasut siggilerput perorlutiglo. Taimak, Gudib nukarêt taipkoa passijaksau nginingat nellonailivâ. Jârenik unuktoksoarnik napârtut taipkoa Gudib erkartuininga idluartok nellonailivlugo tungujorsikattalaukput angijororlutiglo.

H. S.

K a l l a k t u t .

Sôrlo kaujigalloarapse kanimajokautekarpogut Jerusaleme kallakadlartunut illingajomik. Jâreme 1905 me 52 nik kanimajokalaukpok kanimajokauteme. Unurningit Muslemiôvut. Illânne illangit nâmaksijurgnairput kanimajokautib malligaksanginik, nâlegomangimullo issumamingnik aulatuinarput.

Jareme 1905me 7it taimailivut. Aujautilugo kanoelau-ngilat. Sillamêtuinak sinniktarkattarput, ajoksarlungilallo inôgutiksamik aitortortaukattaramik kenaujanik nâpkigosuktunut. Aujarle nâsinnarpok, inôvlutiglo sillame itjelid-lartilugo kuvianangilak, aitusiallo ikkiglivalliavut, ajoksalerput. Opigosungitut taipkoa erkailerput tagva kanok pairijautsialauramik kannimajekauteme, ernertullo assiomajotut kajusivut utteromavlutik, ôktoromavlutik itterviksarsinajangimangârmik kannimajokautemut. Sunaubvalo kannimajokautib angajokkângata akkilêvigingilait opigosunginingat malliklugo, illaliorpaille naglingnerme. Opigosutsainarkitâ kennuêvioniptingnik, ubvalo annûlerkitâ issumaptingnik piniarungnangituarupta?

W. P.